

فيليمون

سورت کيريمن هق توهن بري
فولوس توليس کفد فيليمون

فولوس دوق تگور فيليمون

باب 1

- 1 اکو فولوس ، هق کنا ايکت کران عيسى المسيح ، دغن اديق کو تیموتیوس، تولیس سورت ني کا فيليمون ، اديق هق کيت کاسيه سوغگوه ، هق دوق کرج کا توهن سکالي دغن کيت .
- 2 فس کا فواق هق ماري فراچوم درومه مو ، سکالي دغن اديق بتينا کيت افياء ، فس کفد ارکیفوس هق ماسوق برلاون سبله المسيح سکالي دغن کيت تو .
- 3 مينتاء توهن باف کيت دغن ربّي عيسى المسيح ، تورون رحمة اتس فواق مو دغن سلامت سجهترا .
- 4 هي اديق کو فيليمون ! کنف ۲ کالي اکو بردها انتوق مو ، اکو اوچف تريما کاسيه کا توهن ، کران اکو بويي کات مو کاسيه کا سمو اورغ هق جادي ميليق توهن ، فس مو فرچاي قواة کا ربّي عيسى .
- 6 اکو مينتاء دعا نق بري مو کهور ۲ دوق سهاتي دغن اورغ هق فرچاي، کا ربّي عيسى سروف مو جوگ، سهيڭگ مو بوليه ارتي بايق سکت مان فرکارا ۲ باءیک هق کيت بوليه بوات نق تنجوق

كاسيه كا المسيح.

7 اكو براس سوڪ هاتي سوڳوه، قواة فد دولو لاڳي، کران مو تنجوق کاسيه کا فواق ميليق توهن بالس تو، فس بري سماغث کا هاتي دي گاتيقي .

فولوس نق مينتاء ساتو فرکارا دغن فيليمون

8-9 سبب سموا ني له، ار ساتو فرکارا هق اكو نق مينتاء سام مو دغن کاسيه. سوڳوه اكو براني سوروه مو بوات هق مان عاديل، کران اكو ني جادي ميليق المسيح، وکیل دي هق کنا ايکت کران دي.

10 تافي بق! اكو نق مينتاء سام مو تو انتوق اونيسيموس، هق جادي سروف انق کو، کران اکوله هق فيمفين دي بري فرچاي کا ربي عيسى، تکه اکودوق ايکت درنتي ني.

11 دولو اونيسيموس ني تاء برکون انتوق مو، تافي لاني دي برکون ده، بوکن انتوق مو ساج، دق، تافي انتوق اكو جوڳ.

12 اكو نق سوروه دي کليق کفد مو. تافي نق هنتر دي تو، 13 سروف اكو تاء ار باهو سبله. سوڳوهن، اكو براس نق بري دي دوق دسيني دغن اكو. دي بولي به تولوغ اكو کنتي مو، تکه اكو دوق ايکت کران اكو رويت خبر بائيك ني.

14 تافي اكو تاء سير فقسا فرکارا ني اتس مو، ملينکن مو ريلا هاتي نق بوات فرکارا بائيك ني کا اكو. سابيت تو اكو تاء فکغ دي.

15 بڱکالي دي تيڱگل مو دولو تو، سبنتر ساج، انتوق مو نق بولي به سموت دي کليق دوق سکالي دغن مو سلام ۲.

16 تافي لاني، بوکن دي جادي همب مو ساج، دق! دي لبیه بائيك فد همب مو لاڳي، کران دي جادي اديق هق کيت کدوا کنا کاسيه. اكو کاسيه سوڳوه کا دي، تافي تنتو مو کنا کاسيه کا دي لبیه بايق لاڳي فد اكو، کران دي اورغ هق مو کنا تڱگوغ جواب

- 17 سابت دي جادي همب، فس ري كنا دغن مو کران مو سام ۲ فرچاي دغن رښي. سابت توله، کالو مو مځاکو کات اکو ني جادي سائين مو سوځکوه، مو سمبولته دي کليق، سروف توبوه اکو سنديري.
- 18 کالو دي بوات ساله اف ۲ کفد مو دولو، اتوا براوتغ دغن مو،
- 19 بلر اکو تځکوځ. اکو فولوس توليس سورت ني بوات جامين کات، اکو نق تځکوځ باير اوتغ دي. تافي ايغته، مو براوتغ دغن اکو جوگ، بوکن، کران مو بوليه سلامت تو.
- 20 هي اديق کو فيليمون! سابت کيت سام ۲ فرچاي کا رښي، مو تولوغله اکو. بريله سماغث هاتي کو کاتيق، کران کيت کدوا دوق سهاتي دغن المسيح.
- 21 اکو توليس سورت ني کفد مو، کران اکو بوليه هارف کات مو نق بوات لبیه فد تو لاگي.
- 22 تکه مو دوق سمبولت اونيسيموس تو، مو سيمفنه بيليق انتوق اکو کاتيق. کران اکو دوق هارف کات، تاء لام اکو بوليه ماري کا تمفت مو، سابت فواق مو دوق کاچغ برعنا دغن توهن بالس تو.

سلام هق سود

- 23 ايغافروس هق دوق کنا ايگت سکالي دغن اکو کران عيسي المسيح، دي کيريم سلام کفد مو.
- 24 بالس تو جوگ، سائين ۲ کو هق کرج سکالي دغن اکو، مرقوس، اريستركوس، ديمس دغن لوقس، کيريم سلام جوگ.
- 25 مينتاء رښي عيسي المسيح توروون رحمة اتس فواق مو سموا.